

卷之四

五物紀原卷之九

漢陽府推官建安陳華批點
致仕教諭南平趙弼校正

法從清望門

大學
唐書李泌傳。泌加集賢殿大學士。學士加大自泌
始。張說傳。玄宗欲授說大學士。說曰。學士本無大稱。中
宗崇寵大臣。乃有之。唐百官志曰。景龍二年置也。蓋其
名自中宗始。

孔安國尚書言。秦焚書坑儒。天下學士逃難解散。蓋

以序承學之士爾。晉陶淵明集有學士祖企謝景夷而
晉志不言其官。然則亦未聞也。南史宋謝超宗傳齊受
禪高帝令撰郊廟歌。有聰明學士劉融等。陳有德教殿
中學士。北齊有文林館學士。後周亦有麟趾殿學士。當
是其稱。始於漢晉。而命官則起於宋齊也。唐初有東宮
王府等學士。齊王元吉亦有文學館學士。此後集賢昭
文崇賢翰林等雜置不一。貞觀初開文學館。以房玄齡等
十八人為學士。宋朝為侍從之臣。

直學士唐書百官志曰武德以後五品以上曰學士六品以上

曰直學士。唐高祖有國之初。乃有此也。

翰林唐太宗時名儒時時召草制待詔。常於北門候進止。
號北門學士。至明皇改曰翰林待詔。已而改為供奉。開
元二十六年。仍為翰林學士。此蓋其始。

殿學士歐公歸田錄曰。自唐至五代相承。有文明殿大學
士。為宰相兼職。王欽若為參政。真宗特置資政殿學士。
以寵之時。冠準在中書。定其官在翰林下。欽若於上
曰。臣自學士拜參政。今無罪而罷。班給在下。是貶也。帝
為特置資政殿大學士。班在翰林之上。景德二年十二

月也。後世殿學士之名始於此。

承旨職林曰。唐肅宗至德以後。置翰林學士六人於內。擇年深德重者一人為承旨。所以獨承其密命故也。百官志又曰。元和中。翰林學士以年長一人。別承勅旨。或密受顧命。為學士承旨。職稱。

脩國史唐會要曰。自貞觀中始置史館。顯慶四年三月。始詔劉仁軌等脩史。長安二年。劉允濟又稱脩國史。二年五月廿九日。勅史館脩撰張策。職名謂之脩國史。庭密重。宜稱兼脩國史。蓋太宗始置史館。雖有脩史之

官。尚未以脩國史為名也。高宗乃以命仁軌等云。又鄴城舊志曰。北齊神武時。魏收自散騎常侍。兼中書侍郎。脩國史。

脩撰唐玄宗開元八年。始置脩撰于集賢殿。夫寶以後。他官兼史職者。亦曰史館脩撰。吳處厚清箱雜記曰。宋太宗與國中。趙邦畿等脩撰。楊文舉為史館編脩。是特脩撰。未列於職。至道中始有脩撰也。

侍講後漢張酺顯宗時。數進講於御前。每侍講有正教之辭。帝常言。酺侍講。屢諫。正及他傳。往往有侍外禁內之文。蓋起于此。

侍讀 玄宗開元三年七月。勅每讀史籍中有闕。宜選耆儒博碩一人。每日侍讀。故馬懷素褚無量更日入直。此侍讀之始也。

駙馬 駙馬都尉。漢武帝元鼎二年。初置掌駙馬。注曰。非正駕車者。皆為副馬。一曰駙者。近也。疾也。通典表樞議曰。駙馬都尉。置由漢武帝。以假功臣戚屬。齊職儀曰。凡尚公主。必拜駙馬都尉者。自魏晉以來。有此號稱。蓋以王姬之重。配庶姓之輕。若不等級。豈可合。丞。所以假之。皇女也。漢制以列侯尚公主。而魏何晏始以婚拜。故後代

循用為常制。蓋自何晏始也。

三省綱轄門

侍中 環濟要略曰。古官也。黃帝以風后為侍中。漢初學記曰。秦取古官制。本丞相之史也。丞相使史。史來往殿中奏事。故謂之侍中。後魏乃為樞密之任。梁又以為宰相職。唐侍中與中書尚書並為宰相。

秦置散騎。又置中常侍。本二官。魏文帝黃初元年。合常侍為一官。唐顯慶中。分左右。隸門下。

秦漢時。有給事黃門之職。後漢有給事黃門侍郎。

左右給事中。以其事殿中。故曰給事中。隋初置給事郎。煬帝移為門下職。唐武德三年。改給事郎為給事中。

起居周有左右史。王言則左史書之。動則右史書之。此起居之本也。漢武有禁中起居。後漢馬后自撰明帝起居注。則其事在宮中。古女史之職也。此始有起居之為。隋煬帝置起居舍人。唐貞觀三年。省於門下。置起居郎。顯慶中。於中書置起居舍人。以郎為左史。舍人為右史。

諫正唐武后垂拱中。置拾遺補闕掌諷諫。中宗時有左右開元中。左屬門下。右屬中書。宋雍熙五年二月。詔改補闕為

左右司諫。拾遺為左右正言。蓋太宗欲令諫官備其職業。故改其官號也。

中書令舜納言。周內史。皆中書之任。漢武遊宴後。始以宦者典事。尚書謂之中書。謂者。通典曰。秦始皇置中書。謂者。漢元帝去謁者二字。其品卑而任重。隋文帝廢中書府。令中書與侍中知政事。遂為宰相之職。又職林志謂漢成帝建始四年。改中書謁者令曰。中謁者令。以士人為之。魏文帝黃初元年。改秘書令為中書令也。

中書令初學記曰。魏置中書。始置通事一人。明帝時有通

事劉恭是也。高貴鄉公改曰通都事。都尉尋為通事侍郎。晉時置舍人通事各一人。東晉合為一職。梁時始掌詔誥。其後除通事。直曰中書舍人。是職本周官。掌平宮中之政。後世改之。掌詔誥也。

僕射。秦官。古者重武。以善射者掌事。故曰僕射。又云僕主也。古有主射以督課。漢因秦事。自侍中謁者博士將軍。此永巷洎尚書皆有之。成帝建始元年。初置尚書五人。一人為僕射。此蓋其職也。唐宋皆有之。

尚書。秦官。秦時少府遣吏四人在殿中主發書。故謂之

尚書。劉向新序曰。齊宣王為大室香車諫。三召尚書。國之時。已有此官矣。晉志曰。漢光武始分尚書為六曹。通典曰。東漢初尚書雖有曹名。不以為號。及靈帝以深鵠為選部尚書。於是始見曹名。續事始云。尚主也。出納王命。敷奏萬機。政令所由宣。選舉所由定。罪賞所由正。李固曰。尚書猶天之北斗。斟酌元氣。運行四時。通典曰。周禮。天官冢宰。掌邦六典。以佐王理邦國。光武分六曹。稍以周禮。唐武后以吏部為天官。戶部為地官。禮部為春官。兵部為夏官。刑部為秋官。工部為冬官。以承六官。

之制。宋初以吏兵戶刑工禮為次。神宗復唐故事。乃以吏禮兵刑工為次也。

侍郎。漢制尚書郎。三歲則稱侍郎。隋煬帝即位。惟於尚書六曹各置侍郎一人。按漢百官表。有侍郎職。比四百石也。**郎中**。秦有郎中令。乃秦官也。漢世尚書初稱守郎中。唐以來。號正郎。武德三年。尚書郎改為郎中。

負外。隋開皇三年。尚書分六曹。列二十四司。各置負外郎一人。以司其曹帳籍。則郎置負外。自隋文始也。按漢書。惠帝即位。賜爵負外郎。滿六歲二級。則隋置負外郎。

外郎。亦取漢事云。

漢初曰常侍曹。後漢為選部。魏始曰吏部。按周公司馬之屬。有司士。通典以為吏部云。

司封。左傳晉文公為執秩。以正其官。杜預云。謂上爵秩之官。漢尚書有封爵之任。後漢馮勤是也。職林曰。唐神龍二年。改主爵為司封。愚稽即今之文選司。

司勳。周禮其官司馬之屬。有司勳掌賞地之法。後周始置其官於尚書。吏部有司勳之士。今之稽勳司。

考功。漢京房作考課之法。而其職不在尚書。光武改尚

書三考。曹主歲考課。至此始為尚書職。魏初置考功。亦唐虞考績之事也。

戶部 周禮地官之事也。漢置尚書四人。主財帛委輸。即今戶部之任矣。吳始有戶部之名。周禮司民掌登萬民之數。

禮部 唐虞秩宗。周春官宗伯。皆禮部之任也。後周乃有禮部。不言職事。隋以典儀曹其名。自後周始。

兵部 周禮夏官之職。魏有五兵尚書。晉宋為七兵。後周始名兵部。

刑部 唐虞之士。周禮司寇。皆刑部也。光武謂之賊曹。為書職。後周始有刑部。

工部 唐虞共工。周禮冬官之職。漢置民曹。光武改主鑿備工作池苑。魏為左民。晉為起部。郎後周始曰工部。

事物紀原卷之九

事物紀原卷之十

漢陽府推官逢安陳華批點
致仕教諭南平趙羽校正

持憲儲閣門

御史大夫周禮春官宗伯之屬戰國時秦趙會涇池各
命御史書鼓瑟擊缶之事淳于棼謂齊王曰御史在
前是則上世皆為紀事之官也秦漢以來始置御史大夫
憲然則御史蓋周官也秦置御史大夫以承御史大夫
故曰大夫漢因之謂之中丞以其別在殿中掌印綬也

秘書外增部刺史內領侍御史故名御史中丞即今之
都御史也

侍御史周為柱下史秦時張蒼為御史主柱下文書是也
是則御史之官始於柱下也漢始有侍御史又有繡衣
侍御史自漢武置之隋直曰侍御史至唐置侍御史其
職有四謂推彈公解事臺內之事悉主之魏為臺端他
人稱呼曰端公端公之語自唐始也

監察秦始皇之初以御史監理諸郡謂之監御史御史監察
之名始於此隋開皇三年置監察御史唐承因之

東行唐書制云貞觀初馬周以布衣見太宗太宗命周御
史東行遂以為官名。

三院唐憲府故事御殿中監察呼三院故今呼殿中曰殿
院監察曰察御自唐世始也。

賓客漢高祖欲易太子呂后用留侯計迎四皓以定太子
賓客之名宜始于此漢文帝為太子立思賢苑以招賓
客孝武為太子立博望苑通賓客唐高宗顯慶元年正
月以于志寧等為太子賓客以官名定置四人取法于四
唐事秦官歷代因之漢加置詹事庶子應劭曰詹給也

給事於禁廷也景帝以竇嬰為詹事宣帝時以孔霸為
太子詹事。

詹事唐始于詹事府置少詹事一人以佐詹事。

諭德唐高宗龍朔三年初置太子左右諭德蓋取文王世
子以之以事而諭諸德之義。

九寺卿少門

九卿禮記曰夏后氏始置九卿漢設九卿俱不以卿名官

梁武天監七年始加卿字。

少卿後魏大和十五年初置少卿以卿為大卿。

太常周禮春官職也。秦為奉常。漢初改曰太常。漢百官表曰：景帝中元六年，改此名。顏師古註曰：太常，王者之旗，畫日月于上，有大事則建以行，禮官持之。秦曰奉常。漢改曰太常，取尊大之義也。

協律郎漢武帝置，始以李延年為之。

宗正周官也。在周禮實小宗伯之職。春秋傳曰：周封兄弟之國，十有五，同姓之國三十有五，選其宗中長者而董正之，故曰宗正。秦因之。漢惟授皇族，不雜庶姓。晉始置庶姓也。唐志曰：星躔有宗正，在帝座東南。漢高祖

紀七年二月，置宗正官，以序九族。用公侯任之。宋仁宗景祐三年，謂輔臣曰：宗室子孫衆多，必以尊賢者糾治之。詔置太宗正司，擇祖宗後各一人命之，首以濮安王與守節任其事。後以同姓庶官知丞事。

光祿漢書曰：秦為郎中令，掌宮殿掖門。武帝太初元年，改名光祿勳。梁除勳字，曰光祿卿。續事始曰：秦設此官，掌宮殿門戶郊祀，主諸郎將在殿中侍衛。北齊兼膳，至隋全掌殺膳，不掌宮殿之事。

太僕周禮夏官司馬之屬，尚書罔命穆王命伯罔為周太

僕正則是太僕乃周官也。應劭曰：為太卿，象僕之長。

大理 齊職儀曰：古官也。春秋元命包曰：堯為天子，得臯陶

聘為大理。舜時為士師。韓詩外傳有晉文公使李離為

大理。劉向新序：楚平王以伍奢為大理。大理之名自古

有矣。秦為廷尉。漢初因之。至景帝中元中，更名大理。蓋

復古號也。孟詵錦帶前書載三代法官之名，則曰虞曰

士。夏曰大理也。

評事 漢宣帝地節三年，初置廷尉左右評。魏晉無左右，直曰評。隋煬帝時始為評事。

漢書曰：秦為典客，掌諸侯四方歸義，繡衣使臣曰大

鴻臚。梁武除大字，應劭曰：鴻臚，聲傳之也。聲傳，讀道也。

劉熙曰：鴻，大也。臚，陳也。以禮序陳列儀容也。

司農 少昊九農正也。舜為后稷，秦為治粟內史。漢景改為

司農。

少昊 少昊，鳳鳥氏為歷正。夏后曰：太后。周禮為春官宗

伯之屬。秦為太史令。唐肅宗乾元元年，改司天監。

通典 曰：唐肅宗乾元元年，改太局為司天監。置五
官正，謂春夏秋冬中也。

保章正周禮春官宗伯之屬有保章氏掌天文以志日月

星辰之變動辨其吉凶此蓋設官之始唐乾元元年改

監其小史有保章氏乃改為保章正也

國子祭酒漢置博士至東京凡十四人而聰明威重者一

人為祭酒謂之博士祭酒胡廣曰凡官名祭酒皆一位

之元長古者賓得主人饌則老者一人舉祭酒以祭地

故以祭酒為名此國子祭酒之名所由始也

司業隋煬帝大業三年始于國子監置司業一人禮曰樂

正司業文師司成因以為名

監丞陳煬帝置與司業同設掌判監事

博士班固云六國時有博士掌通古今漢多至數十人晉

武帝初置五經博士

正錄宋仁宗朝胡瑗掌大學其正錄第補諸生學正五人

學行學規凡諸生之戾規矩者待以五等之罰學錄

五人掌佐學正糾不如規者

事物紀原卷之十 畢

保章氏 周禮春官保章氏之屬。有保章氏掌天文以志日月星辰之變動辨其吉凶。此蓋設官之始。唐乾元元年改監其小史有保章氏乃改為保章正也。

國子祭酒 漢置博士至東京凡十四人而聰明威重者一人為祭酒。謂之博士祭酒。胡廣曰。凡官名祭酒皆一位之元長。古者賓得立人饌則老者一人舉祭酒以祭地。故以祭酒為名。此國子祭酒之名所由始也。

司業 隋煬帝大業三年始于國子監置司業一人。禮曰樂正司業。文師司成。因以為名。

監事

煬帝置與司業同設掌判監事。

博士

班固云六國時有博士掌通古今。漢多至數十人。晉

武帝初置五經博士。

正錄

宋仁宗朝胡瑗掌大學。其正錄第補諸生學正五人。

學行學規。凡諸生之戾規矩者。待以五等之罰。學錄五人。掌佐學正。糾不如規者。

事物紀原卷之十 畢

物紀原卷之十一

漢陽府推官建安陳華批點
致仕教諭南平趙弼校正

環元中貴門

將軍 史記義帝號宋義為將軍。漢以呂祿為上將軍。魏文帝黃初中。有大將軍。唐德宗貞元元年。諸衛各置上將軍。老子曰。君子用兵則貴右。是以偏將軍處左。上將軍處右。以是言之。則古有上將軍之官也。

大將軍 戰國時始有大將軍之號。隨事即置。亦不主官。劉

劬爵制云。秦有十八爵。大庶長即大將軍也。左右庶長即左右偏裨將軍也。楚懷王與秦戰。秦虜其大將軍。項羽稱范增為大將軍。漢遂因之。遂置大將軍。開府如三公。至隋煬帝於諸衛悉置也。

將軍周禮天子六軍。一軍一萬二千五百人。其將皆命卿。蓋在國則稱大夫。在軍則稱將軍也。後漢百官志曰。初漢列將軍。始自秦晉以為鄉號。七國皆有其事。漢以來命官極多。所以雜封其名號也。

諸衛左傳楚潘崇掌眾列之事。謂宮衛之官。列兵而

宮也。漢京都。有南北軍。掌理禁衛則衛亦秦之舊制也。晉武重六官。選清重之士置於軍。以統諸衛。此諸衛之始也。

隋初為領軍府。煬帝改為左右屯衛。唐更為威衛。五代周太祖時避名復曰屯衛也。

千牛宋謝綽拾遺記。千牛刀。人主防身刀也。取莊子庖丁解千牛而力刃若新。發矜之義。故後魏有千牛防身掌執御刀。唐顯慶五年始置左右千牛府。龍朔三年改府曰衛。

醫官宋朝會要曰太宗淳化元年八月以翰林醫官趙

為少府監丞充醫官副德宗貞元八年八月

令侍御醫尚藥直長藥授翰林醫官然則

醫官之制當是唐官也

教坊唐百官志曰開元二年置教坊於蓬萊宮側京都置

左右教坊掌俳優雜戲以中官為教坊使此其始也又

曰武德後置內教坊武后改曰雲韶府以中官為使開

元後始祿於太常也

精一此列門

內客省使唐初諸功臣傳往往有內客省之語而今有內

客省使蓋唐所置也

客省使漢有公車司馬今掌天下上章四方貢獻闕下蓋

唐客省之職也唐會要曰永泰已後多事四方奏計

連歲不遣乃於右臺門置客省以居之上書言事蓋

將吏蓋於此待報唐書李師道使崔承慶入奏待命客省

是也會要曰昭宗天祐元年四月勅有客省吏宜自代宗始命

進使五代會要曰梁雜使有引進使國朝會要曰五代有內

外馬步軍都番頭漢都引進使宜漢官也

四方館使 通典曰魏改漢大行令為客館令。宋初置南北客館。周
署東西南北四當客。後乃為四方館。國朝會要曰淳熙四年改
置使名。掌文武官正謝辭。國忌賜香。諸道月旦正。至章表郊
祀。朝番官貢舉人進奉使。京官致仕官。道釋父老陪位之事。
館使之制宜自此始。

閣門使 五代唐天祐二年初。東上西上閣門。制置各別。國朝會要
曰。橫班有東上閣門使。西上閣門使。凡取票旨命。供奉乘輿
朝會游宴。及贊導三公。群臣番國朝見。辭謝糾彈失儀之事。
使副專之政。如橫班使副之名。改為大夫。
其所除。總名知閣

門事。仍兼客省四方館之職。

通事舍人 故事。閣門無通事舍人。沿唐制。自隸中書省。如
抽赴門門。並稱閣門祗候。其後直授閣門通事舍人。非
舊制也。天禧中去閣門二字。則通事舍人。且自宋始也。
樞密承旨 五代有承旨。副承旨。以諸衛將軍克。太平興國
中。以楊守一充都承旨。都承旨自守一始也。是時都副承
旨。多用士人。神宗遂用吏。熙寧三年始。以東上閣門使李
評為樞密都承旨。李綬為之副。不用院吏而更用士人。
自評始也。

宣政使 淳化五年以王繼恩有平賊功特置此名授之談苑

曰宋太宗時內侍王繼恩平蜀李順之亂中書議以為宣
徽使上不欲宦者預政召張洎錢若水議置宣正使在昭宣
使之上也。

昭宣使 淳化四年置昭宣使初以皇城使王延德王繼恩莊宅

使杜彥鈞為之又曰諸司使舊無此額詔旨特置在此年二月也

左右侍禁 談苑曰宋太宗雍熙四年增置左右侍禁宋朝

會要曰淳化二年正月置左右侍禁在殿直之上先是
供奉官殿直有四十年不遷者故特置崇班侍禁之職

使班也

唐制百職皆九等寺三監分典開元

新廷有詔則云諸司諸使以該之

會要曰唐有翰林使掌技術之待詔者五代有

茶酒使宋朝初有茶床使後改為翰林使

唐會要曰昭宗天佑元年四月勅有御厨使

唐會要曰乾元元年六月勅軍器監改為軍器使以

內官為之又曰六月十二日廢置使也宋朝會要曰天寶四

年五月以軍器使楚昭輔為左驍衛將軍則是宋朝緣

唐制有美官也

儀鸞院宋朝會要曰唐置營幕使後置同和院梁開平初改儀鸞院使宋朝亦置之

絳錦唐書百官志少府所隸武后垂拱元年有絳錦坊掌朝會要曰乾應中以平蜀所得錦工置絳錦院宜自此始置使也太平興國二年分東西

禮球唐有禮坊球坊使五代合為一使宋朝因之
作坊唐百官志曰少府之屬有金銀作坊院宋朝會要曰唐有作坊五代置使

染院周官有染人掌染帛秦為平準令隋有司染署唐又有染坊宋朝會要曰唐有染坊使太平興國五年分置東西染院使名亦改也

禮賓唐會要曰天寶十三年三月勅鴻臚屬司有禮賓院又元和九年六月置禮賓院於長興里其使名宜自此有也五代會要曰後唐天成元年太常禮院奏本朝故事諸蕃客並於內殿側對事在禮賓使由此證之其官始自唐也長興三年有禮賓使梁進德自契丹報贖迴也
事物紀原卷之十一

漢陽府推官建安陳華批點
致仕教諭南平趙弼校正

〔節錄帥漕門〕

提刑淳化二年五月。詔諸路轉運司各命常參官一人專知
糾察刑獄公事。仍以司門董循等為之。三年四月。詔始
稱提點刑獄。景德四年七月。詔擇官提點諸路刑獄
公事。始命李拱等為之。

節度漢公孫瓚討烏桓。詔令受劉虞節度。唐宋節度使之名蓋

取此義。唐制邊郡成寇之地。見加旌節。謂之節度使。自

唐宗景雲二年四月。以賀拔延嗣為河西節度使。始

宗至德以後。天下用兵。中原刺史一例受節度使也。

總管曾有都督。諸軍事。後周改為總管。唐武德初。邊要之

地亦置總管。以統軍。貞觀三年。李靖除定襄道。是也。

漢書衛青征匈奴。大克。就拜大將軍於幕中。幕

府之名始于此也。顏師古曰。幕府者。以軍幕為義。

蓋以軍出無常。居止故以張幕遮之。按史記廉頗李牧

為將皆入幕府。是則非因衛青始有此號矣。漢文帝問馮唐。唐對上功。幕府之說。則上將之稱。幕府其來久矣。**都督**漢光武建武初。權置督軍御史。事竟輒罷。魏文帝黃初三年。初置都督諸軍事。然魏初授漢禪。已有持節都督。則非三年初置也。至明帝太和四年。始加司馬懿大都督之命。蓋自漢獻帝建安中。曹操為相。始有大將軍都督諸軍事。廿一年征孫權。還以夏侯惇都督二十六軍。都督之封。始建於此。唐因之。

撫字長民門

州牧 舜外有州牧侯伯。則州牧始自有虞也。

府尹 周成王之命君陳王尹。茲東土。春秋之時。為郡邑之長。或謂楚有令尹。蓋尹號之始也。漢京兆河南曰尹。唐以州郡建府者。皆曰尹。漢百官表曰。右內史。武帝太初元年。改名京兆尹。此名官之始也。

刺史 秦以御史監郡。漢初省之。惠帝復遣監三輔。文帝十三年九月。遣丞相史出刺。并督察御史。武帝元封五年。又置部刺史。察州邑。晉以來。任輕者。加持節。後周又加諸軍事。唐武德後。加號使持節某州諸軍事。某州刺史。

宋朝以他官知州事。而刺史不臨州。以為武臣惟加官而已。

知州 唐代宗大曆十二年五月一日。勅刺史有故。乃闕。但

令上佐依次知州事。則知州之名始自代宗也。

通判 宋太祖建隆四年四月。命賈玘等充荆南諸州通判。

諸州通判之置。蓋自太祖始也。

推官 唐百官志曰。節度。察訪。團練。等。位。皆有推官。舊唐

書云。天寶以後始置推官也。

縣令 周官有縣正。下大夫。春秋之時。縣邑之長曰大夫。秦

本紀曰。孝公十二年。并諸小鄉聚為大縣。縣置令丞。是則

縣令及丞。自秦孝公始也。漢百官表曰。縣令長。皆秦

萬戶以上為令。減萬戶為長。宋朝會要曰。周襄六年。

鄉置縣邑其長。齊晉曰大夫。魯衛曰宰。楚曰公。曰尹。亦

曰令。曰長也。

知縣 唐會要曰。宣宗大中五年十二月。景陵有賊。損神。

架六年四月。以裴讓權知縣事。蓋知縣之名始於此。宋太

祖建隆元年六月。詔河朔與北地魏。為大名。分治劇邑。常內能

吏。思慎釐於縣務。特選士於朝。行斷自朕心。以重其任。大理

寺司正。吳璣知大名府。館陶縣事。監察御史王祐知魏縣。

揚應夢知永齊縣屯田于繼微知臨清縣以朝臣知縣自此始

縣丞史記秦孝公聚鄉為縣置令丞宋仁宗天聖四年詔

開封祥符兩縣各置縣丞一員在簿尉之上

主簿後漢始置主簿繆彤為是職魏晉以後號錄事至隋大

業中諸縣始置主簿主勾稽簿籍糾正一縣非為之事

教授隋有州博潘徽嘗為之唐武德初府郡置經學博士掌以

五經教授德宗即位改為文學宋神宗元豐中興大學立三舍

以經術教養天下英才又於諸大郡府各置教授一人掌教

導諸生如大學博士亦隋州博之職也

由禮天子之五官有司馬周禮以為政官之率又有

大小軍與行都等職本任武之官古者軍行則有之魏

晉以後刺史帶將軍府者則置之唐高宗即位改

治中為司馬節度亦有行軍司馬宋朝與節度團練

副使並以為賤責之官

醫學唐貞觀二年九月十六日諸州府置醫學博士

助教晉咸寧四年初立國子置助教以教生徒唐國子四

門俱有其官

事物紀原卷之十二

漢陽府推官建安陳華批點
致任教諭南平趙弼校正

京郡方域門

京師釋名曰國君所居曰都帝王世紀曰太昊都陳此稱都之始也三代而來夏曰西亳周曰京師京大也師衆也天象所居故以名天子之都

路唐太宗貞觀十三年天下州府三百五十八始分為十道一云在貞觀元年三月十日併省州縣因閩河近便分置也宋朝曰路

漢制三公開府故稱三府魏晉以後諸王又稱府唐高祖武德初改漢制置總管府十年二月十二日改曰節

督府開元三年始改京兆河南曰府此蓋府之始也魏氏漢書曰府聚也聚所在圖書簿籍之處風俗通曰公卿牧守道德之所聚也

州項峻始學篇曰人皇氏九頭古者謂一頭為一人人皇兄弟有九人依山川土地之勢秦度

為九州通典曰堯有九州舜肇土有二州禹又別九州漢以州為部郡唐武德元年乃罷郡置州也

縣周禮四甸為縣周禮以公邑之田任甸地注云二十五家秦孝公十二年并諸小鄉為縣

則名縣之始自孝公也始皇并天下以郡領縣至隋文帝開皇

三平罷郡以縣隸州說文曰天子百縣四郡周禮小司徒之職方千里

郡秦始皇二十六年初并天下罷侯置守始分三十六郡說文天子

地方千里分為百縣四郡左傳曰下大夫受郡秦始以郡監領

鎮歷代未聞置鎮至後周武帝始置之隋因其舊唐分上中下

三等宋朝之制地要不成州而當津會者則為軍以縣兼

軍使民聚不成縣而有稅課者則為鎮或以官監之

鄉周禮六鄉以為軍政比閭族黨州鄉是也此蓋周制也按

周六鄉之說五家為比五比為閭四閭為族五族為黨五

黨為州五州為鄉此為天子畿內也秦制十里一亭十里一

漢以鄉屬縣唐宋至今皆因之

關周官司徒之屬有司關吏下士二人注云關者界上之門蓋周制

驛周禮地官之職凡國之道十里有廬廬有飲食三十里有

宿宿有路室路室有吏五里有市市有候館候館有積

至宋時二十里置馬鋪有歇馬亭即路室之遺事也六十里

有驛驛有餼給即候館之遺事也漢世鄭莊置驛迎送賓

客故後世亭傳有驛名通典曰唐三十里置一驛其非通

途大路則曰館內是通謂之館驛事雖起於周名出於漢

然實始於公劉于時廬旅之義

馬驛左傳有楚子乘駟駟者驛馬也此馬驛之始

急通蓋自三代有也孟子曰德之流行速於置郵而傳命周制也

貧子院開元五年宋璟蘇頲建曰悲田院貧子養病從長安

以來置使專知此所稱悲田乃開釋教是僧尼職掌至

二十三年乃分置於諸寺給廩食以養之宋制又置於僧院

名福田後亦曰悲田也今名養濟院

地里春秋命曆序曰神農度地形甄度四東西十萬里

南北八十萬里然則炎帝時有里數矣漢子曰去天八

於是天下廣狹險易遠近始有道里蓋起于唐武之按

內傳有記里車則地里始于神農明矣

里略山海經曰帝令豎亥步天地四海之內東西二萬八

千里南北二萬六千里淮南子曰大禹使大章步自東

至西極二十三萬三千五百里七十五步使豎亥自北

至南極二十三萬三千五百里七十五步又八極之廣東

西二十三萬三千里南北二十三萬一千里黃帝有記曰

之車所以道路之記自軒轅始也

地名項峻治書曰人皇氏出於提地之國是則提地乃國

名也土地國邑之名此其為始

山川名。人皇氏以來。土地國邑。始各有名。然則山川之號。亦從此始。故神農興於厲山。黃帝以姬水。此山川之名之始也。尚書呂刑曰。禹平水土。主名山川。注云。無名者。主名之。於是凡山川皆名之矣。山海經及爾雅皆載也。**地圖**。春秋元命包曰。神農世。怪異生。白阜乃圖。地形脉之道。注曰。白阜。毋名圖。地形通水道之脉也。今之地圖。圖宜始于此。

浮橋。詩大雅大明云。濟濟梁。孫炎曰。造舟比舟為梁也。比舟於水。加板於上。今之浮橋也。爾雅曰。天子造

舟。諸侯維舟。大夫方舟。士特舟。夏商尚質。等制之。文未備。故鄭康成以為周制。春秋傳曰。周赧王五十八年。秦始皇作浮橋于河上。

橋。拾遺錄曰。禹治水。所穿鑿處。以青泥封記。使玄龜印其上。今人聚土為界。乃遺事也。

溫湯。李氏三秦記曰。秦始皇與神女遊。忤其旨。神女唾之。生瘡。始皇怖謝。乃為出溫湯洗除。後人因以為驗。世傳關中湯泉是也。

觀寺道僧門

道觀周穆王尚神仙。召尹軌社。冲居於終南山。西靈真人
草樓之所。因號觀。此道觀之初也。黃帝內傳。西王母授
帝白玉元始真容。置於高觀之上。時人謂之道觀。道觀
之義。宜取于此。隋煬帝改為玄壇。後復曰觀。續事始
曰。秦廢國學。置聰明觀。自是以來。道家以名其居也。

宮名宋朝太宗端拱元年。作上清宮。太平興國初。又建
東太乙宮。真宗大中祥符五年。建景靈宮。仁宗天聖六
年。建西太乙宮。神宗熙寧初。即五嶽觀舊址。建中太乙
宮。又營建隆集禧醴泉萬壽天慶等觀。以道觀為宮。實

盛於宋世也。

道黃帝內傳。有道士行禮之文。此置宜謂有道士也。樓
觀本紀云。周穆王因尹真人草樓之觀。召幽逸之人居
之。謂之道士。平王東遷。置七人。漢平帝永平七年。置三
十六人。晉惠帝度四十九人。審此即是自周而有道士
也。司馬遷班固述秦漢道教甚詳。惟春秋以來。殊無一
人以一言彷彿道者。茲事亦為可疑也。然後漢書於光
武紀論。始有言道士西門君惠。李守真等。云劉秀嘗田
為天子。此蓋前漢末事。則道士之名。著於此矣。按列仙

傳又有道士浮丘公。接周靈王太子晉。上嵩高山者。大
霄琅書經曰。人行大道。號曰道士。又曰。心身順理。惟道
是從。後道為事故。稱道士。

道後周武帝時。衛元嵩封蜀國公。此道士受封之始也。
葉法善。玄宗時亦封越國公。

道號元魏世祖時。賜寇謙之天師之號。後張道陵亦有天師
之稱。蓋自列子言黃帝稱牧馬童子曰天師。此其始也。唐
玄宗賜李含光曰玄靜先生。此賜號先生之始也。宋朝緣
唐事。真宗賜陳搏號希夷先生。神宗賜張噩號冲靜處士。

道紫唐中宗神龍初。葉靜能雖加金紫之階。而未獲紫衣。
至代宗時。李泌立大功。李輔國將不利之。泌乞為道士。
帝許之。乃賜紫衣。其後道士賜紫衣。自李泌始。

羽士唐宣宗大中初。道士譚紫霄賜號金門羽客。

黃冠唐李淳風父播仕隋。棄官為道士。號黃冠子。
道錄宋太宗太平興國中。增置道副錄。都監首座。通舊
為八員。總知教門公事。

道官唐高宗時。葉靜能入直翰林。為國子祭酒。姪孫法善。
玄宗時。授銀青光祿大夫。鴻臚卿。又尹愔亦拜諫議大

夫道士命以官。自高宗始也。

道贈唐王知遠贈昇玄先生葉法善贈金紫光祿大夫越

州都督道士之褒贈自王知遠始。

道謚梁陶弘景卒賜謚曰貞白先生。道之謚自弘景始。

僧寺漢明帝於東都城外立精舍以處攝摩騰竺法蘭即

白馬寺也。騰自西域以白馬駝經來。初止於鴻臚寺。遂

取等名。劫置以為僧寺也。隋煬帝改曰道場。後復曰寺。

是則寺之名實漢明始也。

尼寺僧史畧曰東晉何充捨宅安尼。此尼寺之始也。

佛像漢書霍去病逐匈奴過焉耆山得休屠王祭天之金

人頽師古注云胡王作金人為祭天主。今之佛像。是

其遺法。後漢明帝夢金人長丈餘。飛空而來。訪于群臣。

傳毅曰西域有神號曰佛。及使蔡愔往天竺圖其形像。

此中國有佛像之始也。

僧人漢明帝遣使往天竺訪求僧法。於彼見摩騰乃

要至漢廷。此中國有僧之始也。明帝又聽陽城侯劉歆

等削髮出家。此中國之人為僧之始也。

尼漢明帝既聽劉歆等出家。又聽洛陽婦女阿潘等出家。

此蓋中國婦女為尼之始也。

稱釋晉道安受業於佛圖澄圖澄姓帛氏安以師莫過佛遂以釋為姓僧之稱釋自道安始也。

佛經漢明帝永平十年摩騰竺法蘭以白馬駝經至東都即四十二章經中國有佛經此其始也。

譯經漢自永平後摩騰首譯四十二章經曆魏晉南北朝皆有翻譯者隋有翻經館唐置譯經并潤色之官元和後廢宋太平興國中復興其事仍置譯經院也。

談禪寶林曰佛未涅槃時告迦葉曰吾以清淨法服付

汝迦葉乃傳於阿難至二十八代至於達摩深衣禪道中自南天竺泛海至廣州止於崇山住少林寺傳於惠可中國談禪自此始。

高僧傳曰康僧會於吳赤烏十年至建業孫權使人求舍利子既得之權乃造塔藏之晉帝過江更為脩飾中國造塔自此始。

度牒唐會要曰武后延載元年五月十一日勅天下僧尼隸於祠部此祠部轄僧之始明皇天寶六年五月制僧尼於祠部給牒僧尼給牒自明皇始。

受戒 中國之人受戒自魏宋士行為之首也

戒律 漢靈帝建寧三年安世高首出義決律一卷次有比丘諸禁律魏世天竺三藏曇摩迦羅到許州至洛敷魏境僧無律範遂於元平中與雲諦譯四分羯摩及僧祇戒心圖此蓋中國僧戒律之始

戒壇 漢魏之僧雖剃染而戒法未備嘉平中既傳戒律立大僧羯摩法壇此比丘立戒壇之始

僧號 後三鳩摩羅什始號法師其後中國名僧亦稱之
後趙石虎號佛圖澄為西天和尚此亦和尚之始

初鳩摩羅炎東渡立龜國其國王請為國師姚興迎羅什亦以為國師後世因有以僧為國師者姚興又號羅什為大師唐僖宗賜僧知玄號悟達大師可符法智大師德宣法暢大師自此始為朝廷寵渥之命也

僧衣 漢魏之世為僧者多著赤布僧伽黎又祿陵諸僧衣色倣西竺著黑北齊忌黑衣之議令著黃色衣今僧之衣褐起于後周也北齊文宣忌黑其弟煥第七乃以漆為七漆最黑也遂殺其弟後為宇文黑獺所滅宇文泰小字名黑獺也

僧紫唐武后時僧法朗譯天雲經陳符命於是賜朗等紫袈裟僧之賜紫自則天始也。

僧官隋文帝以沙門彥崇為翻經館學士後始命僧以官。
僧錄後魏太祖以沙門法果為僧統管攝僧徒至隋文帝分置天下為十統唐羅統立兩錄司於京邑謂之僧錄。

事物紀原卷之十三

正德